



UNIVERSITÄTS-
BIBLIOTHEK
PADERBORN

Universitätsbibliothek Paderborn

Scintillæ Ignatianæ, Sive Sancti Ignatii De Loyola, Societatis Jesu Fundatoris Apophthegmata Sacra

Hevenesi, Gábor

Coloniæ, 1715

VD18 10988289

30. Decembris. Sicut magnam in Cælo reportat mercedem, qui conatur expellere cogitationem pravam: ità magno se periculo in gravia mala labendi exponit, qui bonis inspirationibus non assentitur. S. ...

[urn:nbn:de:hbz:466:1-50423](https://nbn-resolving.org/urn:nbn:de:hbz:466:1-50423)

dum venit, quod in utilitatem animæ impensum non est. Non omnis, qui diu fuit, diu vixit. Senex vitiosus, virtutis ætate, puer est; juvenis virtuosus parum adhuc duravit, & tamen diu vixit.

Natura nihil otatur. Omnia sunt in motu; fluunt aquæ, rotantur astra, ignis semper in conatu; nostro nempe documento: ne ignaviâ, & torpore labi sinamus tempus, sed cùm hoc favet, operemur bonum.

30. Decembris.

Sicut magnam in Calo reportat mercedem, qui conatur expellere cogitationem pravam: ita magno se periculo in gravia mala labendi exponit, qui bonis inspirationibus non assentitur. S. Ignat. apud Nolar. c. ult.

Offert Deus gratias, non obtrudit; invitatur ad bonum, non cogitur; si quis eum inhumanus rejecerit, quid mirum; si reciprocè rejiciatur. Sic ille nos visitat, prout illum nos colimus.

Qui oblatum contemnit beneficium, non favorem, sed odium promeretur; dum, qui primum avidus accipit, merita

tum sibi comparavit ad aliud. Optima
nempe beneficii compensatio, gratitudo
est.

Cautè inspirationibus attendendum :
conditiones sunt, quibus Deus tuam sa-
lutem alligavit ; talem si negligas , peri-
isti, non Dei parsimoniâ, sed oscitantia
propriâ. Hodie, si vocem Domini audie-
ritis, nolite obdurare corda vestra.

Dum pulsat Deus ad ostium, dum aue-
rem vellicat, cave aurem cordis obtures ;
si monet, pater est ; si minatur, Dominus
est ; semper salvator, tuæ saluti semper in-
tentus, dic : Loquere Domine, quia audit
servus tuus.

31. Decembris.

*Sit laus, & Gratia Deo Creatori nostro,
ex cuius infinita liberalitate, & munifi-
centia bonorum omnium ratio, gratiâ
que redundat. S. Ignat. in Epist. ad
Hispan.*

Plures numeraremus gratias, si sæpiùs
grati essemus : gratitudo pro uno novi
est beneficii sollicitatio. Avet ille benefa-
cere, qui totus bonitas, totus liberalitas
est. Numera stellas, si potes, & eodem
cen-